

**Uunga siunnersuut: Suliffeerunnermi ikiorsiissutit pillugit inatsisartut inatsisaat nr. xx, xx 2014-imeersoq**

(Inuussutissarsiornermut Aatsitassanullu Naalakkersuisoq)

**Saqqummiussissut**

(Inuussutissarsiornermut Aatsitassanullu Naalakkersuisoq)

**Siullermeerinnineq**

Matumuuna suliffeerunnermi ikiorsiissutit pillugit Inatsisartut inatsisissaattut siunnersuut saqqummiutissavara.

Siunnersuut annertunerpaatigut suliffeerunnermi ikiorsiissutit pillugit Inatsisartut peqqussutaanni 2006-imeersumit atuuttumit issuaanerupput. Siunnersuut suliarineqarpoq pissutigalugu suliffeerunnermi ikiorsiissutit pillugit Inatsisartut peqqussutaanni atuuttumi naapertuutinngitsoqartoq paasineqarmat aammalu Naalakkersuisut ukiuni aggersuni suliffeqarnermut inatsisinik annertunerusumik iluarsaassinissamik naatsorsuutigisaqarnerat apeqqutaatinnagu saqqummiunneqarluni.

Siunnersuummi aalajangersakkat akornanni aammalu inatsisip kalaallisoortaata danskisoortaatalu imminnut naapertuutilernissaat qulakkeerneqarpoq, pissutigalugu suliffeerunnermi ikiorsiissutit naatsorsorneqartarnerannut tunniunneqartarnerannullu tunngatillugu kukkusumik nutserisoqarsimammat. Tamatuma saniatigut siunnersuummi suliffeqanngitsut imaluunniit suliassaarunnermi angerlartitaagallartut suliffeerunnermi ikiorsiissutinik pinnaatitaanerminnik annaasaqaratik sivikitsumik suliffissami innersuussiviusumi sulisinnaanerat ajornarunnaarsinneqarpoq.

Aammattaaq siunnersuummi iluarsaaqqinnerit pisussat, imminut pilersorsinnaanissamut aammalu suliffeqarnermi peqataanissamut kajumissuseqalersitsinissamik siunertaqartut tunngavissinneqarput.

Siunnersuummut tunngaviuvoq suliffeqanngitsutut nalunaarsorsimasut suliffeqalernissamut piviusumik piareersimasut, nammineq pisuussutiginnngisamik suliffeqannginnerminni aningaasaqarnikkut isumannaarunneqarnissaasa qulakkeerneqarnissaa.

Taamatut oqaaseqarlunga oqallilluarnissamik kissaappassi.